

四庫全書

史部

欽定四庫全書

史部

江南通志卷六十一

詳校官給事中臣丁雲錦

檢討_臣德生覆勘

總校官編修_臣王燕緒

校對官助教_臣蔡鎮

膳錄監生_臣張仲芳

欽定四庫全書

江南通志卷六十一

河渠志

水利

夫漳水知用則瀉鹵生稻梁雙江繞城則平疇為
陸海水利與農田相表裏由來尚矣引源醴渠時
其蓄泄導其尾閘疏之束之治水所以治田也禹
貢揚州之田下下今吳中賦入幾半九州良由三

江五湖之利經歷代脉分鏤刻使通灌溉遂號上
腴然通塞因時則利害相乘議者謂淮北之水治
其決江南之水治其閼蓋是也而歙宣金陵諸河
勢悉趨海而吐納於太湖太湖之需治尤急故首
列之凡治水於江蘇松常鎮五府及太倉一州而
合以治之者皆以治太湖也故並系之各府州以
次分叙無水利者闕之

太湖

卽江蘇松常鎮五府太倉一州水利

謹按太湖禹貢東南巨浸曰震澤周禮職方氏揚
州數曰具區卽太湖是也廣三萬六千頃周五百
餘里中包七十二山四圍濱湖常蘇三郡之地明
王鏊五湖記云襟帶三州東南諸水皆歸焉一自
寧國建業等處入漂陽迤邐至長塘湖并潤州金
壇延陵丹陽諸水以入一自宣歙天目諸山下杭
之臨安餘杭湖之安吉武康長興以入而皆由吳
江分流以入海則禹貢所謂三江旣入而後震澤

底定者昭然可見又漢虞仲翔云太湖東通長洲
松江南通烏程霅溪西通義興荆溪北通晉陵隔
湖東連嘉興水凡五道故謂之五湖觀此則翕受
既多汎濫亦甚惟洩其下流之三江白茅港深疏
暢達使歸壚無所阻而後上流沿厯之郡邑浸潤
灌溉咸收其利也爰舉太湖灌注之堰瀆溪港湖
河分上流下流開列于左其不與太湖接壤而自
為水利者如江寧之泰淮湖諸水別見於後

太湖上流之堰瀆溪港其最著者凡三十有五
五堰在漂陽縣西八十里高淳縣東五十里一曰
銀林堰長二十里少東曰分水堰長十五里又東
五里曰苦李堰長八里又五里曰何家堰長九里
又五里曰余家堰長十里所謂魯陽五堰也西有
固城石臼丹陽南湖受宣歙金陵姑孰廣德及大
江水東連三塔湖長蕩湖荆溪震澤中有三五里
頗高阜春秋時闔閭伐楚用伍員計開渠運糧今

尚名胥溪鎮西有固城邑遺址則吳所築以拒楚者也自是湖流相通東南連兩浙西入大江唐景福二年楊行密將臺濠作五堰拖輕舸饋糧其後東壩旣成遂不復通惟永陽江水入荆溪明太祖都金陵以蘇浙糧道自東壩入可避長江之險洪武二十五年浚胥溪治石牖司啟閉命曰廣通鎮永樂元年始改築土壩自是宣歙諸水希入震澤而壩猶低薄水間漏泄舟行猶能越之正德七年

增築壩三丈水勢相懸遠甚嘉靖三十五年復自
壩東十里許更築一壩名東壩兩壩相隔湖水絕
不復東矣傳同叔云自宜興航太湖經漂陽至鄧
步凡兩日水路自鄧步登岸上小市名東壩自東
壩陸行十八里至銀林復行水路百餘里乃至蕪
湖入大江銀林之港鄧步之湖止隔陸路十有八
里此十八里中有三五里高阜而苦不甚高遇暴
漲則宣歙金陵之水皆由荆溪入太湖此高阜不

足以過之五堰之所以作也單錡著吳中水利書
謂五堰廢則宣歙諸水盡入震澤三州水患無已
王鏊震澤編云以此一源最鉅為蘇常患伍餘福
三吳水利書亦諄切言之蓋蘇常湖水利之一大
鎖鑰也

安港在鎮江府東北八十里通大江自安港而東
北百里為丹陽之包港

新豐湖在鎮江府東南三十五里亦曰新豐塘

潤浦在鎮江府城東一里北通大江

練湖在丹陽縣城北一名練塘俗謂之開家湖納
丹徒長山高驪諸山之水凡七十一流唐時近湖
民築堤橫截十四里遂分上下二湖開瀆洩水取
下湖地作田

國朝康熙中復下湖民賴其利

九曲河在丹陽縣北南接漕渠北達大江委蛇七
十餘里亦謂之新河河口舊有博望堰土人謂

可以通潮利漕

白鶴溪在金壇縣北上承金陵句曲之水東流入
常州界漕渠考縣北有金壇河溧陽高淳之水由
此河出至丹陽城東七里橋其水可以濟運

烈塘河在常州西十八里南枕運河北流四十三
里入大江一名得勝新河

西蠡河在常州府城東南北枕運河接溇湖宜興
有東蠡河故此名西歲久淤塞明正德間疏濬亦

曰西運河支流入揚子江

網頭河在常州府城北延袤六十五里入無錫江
陰界支流入大江

丁堰河在常州府東十五里南枕運河北流二十
里接網頭河

黃汀河在常州府東北十五里西接網頭河東入
江陰界單鰲云常州運河北偏右有洩水入江一
十四瀆卽孟瀆黃汀瀆之類也今所存蓋無幾云

陳墅河在常州府東二十五里南枕運河北接三山港三山港在常州府東三十里西接戚墅堰

芙蓉湖在常州府東五十五里昔時湖岸南北相距凡八十里南入無錫北入江陰又北注於大江明周文襄公園作圩田千餘頃東南流曰五瀉水潞湖在常州府西南三十五里南北百里東西三十餘里今北通漕河導流東注於湖

孟瀆在常州府西三十里奔牛鎮東南枕運河北

流一十里入揚子江

溧港在常州府北五十里稍西卽魏村鎮與烈塘
河口相接港南接網頭河北入揚子江袤四十里
歲久澱淤一名竈子港

戚墅港在常州府東三十里南接運河東入於三
山港東南與江陰接界西北入申利二港入揚子
江

廟堂港在常州府北今湮

蠡湖在無錫縣東南五十里與長洲縣分界東西
長三十里南北六里唐刺史孟簡開泰伯瀆東連
蠡湖卽此陽湖在武進縣東五十里東西八里南
北三十二里與無錫分界今多淤為田

五瀉河在無錫縣北南枕運河北至江陰武進兩
縣界又北至申港入揚子江

濠湖在無錫縣東南六十五里北為常熟縣界東
為長洲縣界

梁溪在無錫縣西源出慧山北合運河南入太湖
溉田數十頃

洮湖一名長蕩湖在宜興縣西北與溧陽金壇分
界周處鄺道元皆以洮湖為五湖之一湖周一百
二十里西通石臼丹陽等湖東通太湖自東壩築
而丹陽石臼湖諸水俱西流入大江與長蕩湖相
隔

荆溪在宜興縣城南其在城西者亦曰西溪在城

東者亦曰東溪凡廣德漂陽金壇并縣西諸山澗水俱流匯於西溪乃貫城繞郭為東溪以下太湖舊志荆溪上承百瀆兼受數郡之水是也今謂之東九里河西九里河河流甚長土人以九計里因名今自縣東分二流其一北達常州為漕河漂陽運船俱由此出其一東達太湖謂之東瀉溪本名東舍譌為瀉一名蒙溪又名五雲溪百瀆在宜興縣西南七十五里者為上瀆北六十里者為下瀆

昔以荆溪居數郡下流於太湖口疏百派以分其
勢又開橫塘袤四十里以貫之瀕湖畎澮皆通焉
後漸廢

夾苧干瀆在宜興縣西北昔時瀉長蕩湖之水東
入瀉湖由瀉湖入大吳瀆塘口瀆白魚灣高梅瀆
及白鶴溪而北入常州運河又由運河分流入一
十四瀆注於大江今湮

申港在江陰縣西三十里相傳春申君所開導江

南流置田為上下屯又南經武進縣界分為二東
入無錫五瀉河西入武進三山港俱達於運河
利港在江陰縣西五十里導江水南行入武進縣
界下流亦達於運河

黃田港在江陰縣北二里相傳春申君所開導江
水溉田因名邑人於江口置牖號上牖於縣西南
十里蔡涇口置牖曰下牖舊有支港數十處今多
為潮汐所湮其南接於運河

橫河在江陰縣城東引黃田港水貫城而東達縣東六十四里之谷瀆港

蔡涇在江陰縣西南十里西接夏港東通黃田有蔡涇牖又東穿運河而接於橫河明天順間運道淺淤議改從孟瀆蔡涇出漕舟

石頭港在江陰縣東三十里北通大江南入橫河此上皆江常鎮三郡之水或疏其經流以入太湖或導其支流以入於大江而治於上流者也

太湖下流東南入海之大川有三

吳淞江卽古松江一名松陵江自太湖分流出吳江縣城東南之長橋北流至龐山湖合尹山湖入長洲界折而東入獨墅湖過大姚鋪抵夏駕浦入崑山縣分為二南為吳淞江北為勦娘江復合為一東流入嘉定界經上海又東南流與黃浦合迤

運至吳淞口入於海

附

明沈幾水利議

國家財賦仰給東南

東南民命懸於水利水利要害制於三江尚貢所稱三江既入震澤底定者是也自海塘障而東江

湮止二江受全湖之水宋元以來多水患也然猶有
二江也至嘉靖之季而松江塞矣嘉靖壬戌諸
年之所以多水患也海忠介公受符治之功未及
半而松江之士夫齟齬焉謝事去萬厯己卯諸年
之愈多水患也然猶有半松江全婁江也自庚辰
來五十年間松江以半開而易塞婁江以全身而
半塞是以半江受全湖之水十年九湮夫奚疑哉
請先言婁江夫水勢必趨東南婁在太湖東北而
水全趨之者其故有二一者地近北為唯亭南為
角直皆去湖不五十里而潮汐通焉呼吸相接地
近則趨從其便也二者勢迫兩江既塞無從分派
全身趨婁其勢重其流愈急從其迫也若然則婁
之所係大矣而水利之議空設開濬之策不講者
士夫為之碍也婁江自蘇之婁門出下雉清經唯
亭至崑山由翕子河抵太倉而入劉河者人以為
婁江故道而非也此婁江之最平穩處故治以為

官道而險不在焉在北為陽城湖連亘百餘里而
走白茆塘南遮松江之半身連亘四十餘里其廣
者可百餘丈狹者可十四丈而走安亭漳浦具大
凡也而至廣至狹不與焉潮勢洶湧挾泥沙而上
泥停水去日漸一日泥壅沙浮河身高淺小民射
利傍岸俱種茭蘆茭蘆既生泥沙藉之可以安立
不二三年可種茭蘆茭蘆衍蔓泥沙愈凝不三四
年可種苗稻築為外圩照前漸擴於是河之百餘
丈者漸為數丈數丈者漸為二三丈平時不覺迨
至夏雨時行水勢一漲急不得瀉膏腴之壤盡為
巨浸直須更耳以所陞之毫末易所湮之鉅萬以
千百家之受利易萬姓之災荒其利害易知而士
夫為子孫計徂目前之利必不肯棄此以謀軍國
之大計也故曰白茆開利歸蘇而阻撓者必蘇之
士夫也其次言松江大 wat 勢趨東南其正脈也而
入海之道稍遠既合東江之水河浦最多最大汪

洋浩渺不可復治官道所以驛傳借路嘉興其中
水勢既盛蓄洩甚難而松江泥沙同於嘉興其味
鹵其質重易於凝滯結為原壤向之河身已架高
屋樓房起為墳墓嘉定以南華上以北一望平蕪
百里之中不聞舟楫此豈尾閭之地所宜也哉就
耳目所及舉一以例餘如吳江長橋浙直孔道凡
有軒車無不駐節試觀長橋之下為門七十有二
以殺水勢古人苦心極慮觸目可思而間有貪利
者東西占為茭蘆數百頃漸填為平壤架為市房
坐視吳江之民頻遭水厄湖水一漲灌城而入全
縣之田蕩然為患士民屢屢具呈貪者執不肯行
寧兩府全荒不恤也又近之而一縣全荒不恤也
又近之而本戶所荒百十餘畝子粒不存又不恤
也而止顧此尺寸之村固念滔天之害何愚一至
此哉觀此一處例知萬情故曰松江之開利歸松
江而開之有阻撓者必松江士夫也然則棄小利

以弭大害捐情面以專
責成是在今日當事矣

婁江亦名下江自太湖分流出吳江縣西北鮎魚
口北流入運河經城東為婁門洪注流為上下堆
瀆東南為陳湖東北為陽城湖巴城湖之水入焉
歷崑山至和塘東合新洋江至太倉州城南又東
為劉河口入海吳淞江一帶流至新洋江口及夏
駕浦二處交會於婁

黃浦在華亭上海境巨川自黃潦涇受黃橋斜塘

水斜塘水自三泖來其上為澱湖為急水港為白
蜆江自松江分派而來又受嘉興塘水東流至詹
家匯為瓜涇塘演迤而東凡南北兩涯之水皆入
焉至鄒家寺折而北流趨上海縣東西兩涯之水
皆入焉又東北會吳淞江以入海浦約長二百五
十餘里比吳淞婁江更濶大故論者指為東江焉

附 明歸有光寄王太守書

某昨承明府論及水利
勿遽辭別不及盡言某

非能知水學者然少嘗有意考求見盧公武郡志
止抄錄事蹟畧無綱要今新志因之而近來言水

利者不過祖述此耳嘗訪求故家野老得書數種獨取鄭氏二三家斷以為專門之學遂彙錄成書非能特有所見也惟以三吳之水瀦於太湖太湖之水泄於松江古今之論無易此者故著論以暢前人之旨嘗又讀尚貢註三江者迄無定論惟郭景純及後來邊實之論為是故定以為三江之圖明府見諭謂吳淞江與常熟縣無預臬所論三吳之水非為常熟一縣之水也江水自吳江經由長洲崑山華亭嘉定上海之境旁近之田固藉其灌溉要之吳淞江之所以為利者蓋不止此獨以其直承太湖之水以出之海耳今常熟東北江海之邊固皆高仰中間與無錫長洲崑山接壤之田皆低窪多積水此皆太湖東流不決之故若吳淞江間濬則常熟自無積水然則吳淞江豈當與許浦白茅並論耶明府又謂揚子江錢塘江向與於吳中水利某意特欲推明三江之說蓋自來論吳中

之水必本禹貢三江既入之文自孔安國以下以
中江北江為據既失之泥班固韋昭桑欽近似而
不詳同當從郭景純惟三江之說明然後吳中之
水可得而治也經曰三江既入震澤底定先儒亦
言三江自入震澤自定丈不相蒙然吳淞一江之
入震澤底定實係於此經文簡畧不詳耳某誠恐
論者不知此江之大漫與諸浦無別不辨原委或
泥張守節顧夷之論止求太湖下之三江用力雖
勞反有支流湮汨之患也但欲復禹之跡誠駭物
聽即如宋郊亶時之大尺時力亦恐未及而水勢
積壅為害欲求明府先令所在畧據今日河影開
挑芟蘆使自崑山夏駕口至嘉定柵橋尋入海之
口則江水有通流之漸矣今春量撥賑饑之穀召
募饑民或可即工又旁江之民積占芟蘆指以告
佃為名所納升斗之稅所占即百頃之江兼之漲
灘之稅亦多吏胥隱沒官司少獲其利昔宋時圍

田皆有禁約今姦民豪右占江以遏水道更經二
三年無吳松江矣若責所占之人免追花利止令
隨在開挑以復舊跡則官不費而姦有所懲矣某
二十年屏居江上未嘗敢獻書當事者異日呂公
有意水利然以平日非相知不敢有所陳前以分
司舊識因問瓦浦間及之而明府親屈二千石之
重敦行古道虛懷下接且惓惓以吾民魚鱉為憂
故特有言耳然區區所望於明府有大於此者昔
魏王召史起問漳水可以灌鄴田子何不為寡人
為之史起曰臣恐王之不能為也王曰子誠能為
寡人為之寡人盡聽子矣史起敬諾曰臣為之民
必大恐臣大者死其次乃籍臣臣雖死籍願王之
使他人遂之也王曰諾使為鄴令史起因往為之
鄴民大怨欲籍史起史起不敢出而避之王乃使
他人遂為之水已行民大得其利由此言之興一
世之功不當恤流俗之議也區區之見要以吳松

江必不可不開即日渡江遠離節水利後論以單鐸
下豈勝瞻戀因還船附此不宣

江堤橫截江流而岸東江尾茭蘆叢生泥沙漲塞
欲開茭蘆之地遷沙村之民運去漲土鑿堤岸為
橋走水而於下流開白蜆安亭江使湖水由華亭
青龍入海雖知松江之要而不識禹貢之三江其
所建白猶未卓然所以欲截西水壅太湖之上流
也蘇軾有言欲松江不塞必盡徙吳江一縣之民
此論殆非鐸之所及今不鐸去堤岸而置為千橋
亦守常之論耳崇寧二年宗正丞徐確提舉常平
考禹貢三江之說以為太湖東注松江正在下流
請自封家渡古江開洶至大通浦直徹海口當時
惟確欲復古道然確為三江之說今亦不可得而
考元泰定二年都水監任仁發開江自黃浦口至
新洋江江面繞濶十五丈仁發稱古者江狹處猶
廣二里然二里即江之湮已久矣自宋元嘉中滬

潰已壅噓至此何啻千年邨氏云吳淞古道可敵
十浦又江旁縱浦邨氏自言小時猶見其濶二十
五丈則江之廣可知故古江蟠屈如龍形蓋江自
大湖來源不遠而勢既廣若徑直則又易泄而湖
水不能蓄聚所以迂迴其途使如今江之淺狹何
用蟠屈如此余家安亭在松江上求所謂安亭江
者了不可見而江南有大盈浦北有顧浦土人亦
有三江口之稱江口有渡聞之百歲老人云往時
南北渡一日往來僅一二迴可知古江之廣也本
朝都御史崔恭鑿新道自大盈浦東至吳淞江巡
檢司又自新涇西南蒲匯塘入江自曹家河直鑿
平地至新塲江面廣十四丈夫以邨氏所見之浦
尚有二十五丈而都水所開江面纔及當時之浦
至本朝之開江乃十四丈則興工造事以今方古
日就卑微安能復見禹當時之江哉漢曾讓論治
河欲北徙冀州之民當水衝者決黎陽遮害亭故

河北入海當開壞城郭田廬冢墓以萬數以為大禹治水山陵當路者毀之隳斷天地之性此乃人功所造何足言也若惜區區漲沙茭蘆之地雖歲歲開浦而支本不正水終橫行今自嘉靖以來歲多旱而少水愚民以為自今不復見白水之患余嘗聞正德五年秋雨七日夜吳中遂成巨浸設使如漢建始間霖雨三十日將如之何天災流行國家代有一遇水潦吾民必有魚鼈之憂矣或曰今獨開一江則其餘溪港當盡廢耶曰禹決九州距四海濬畎澮距川江流正則隨所在可引以溉田且江流浩大其勢不能不漫溢如今小江尚有勦娘江分四五里而合者則奇分而旁出古吳江東江之跡或當自見且如劉家港元時海運千艘所聚至今為入海大道而上海黃浦勢尤洶湧豈能廢之但本支尊大則支庶俱得所矣

此上皆承太湖之下流而納諸港之水以入海者也

東北入江之大浦有八

白茅港在昭文縣東七十里橫廣三十餘丈長亘九十餘里為蘇常諸水東北出江第一要道蓋震澤之水北注於陽城巴城等湖而江陰無錫諸邑接受宜興溧陽諸山之水又迴環聚於華蕩尚湖等巨瀦東江既失故道婁淞淺澀震澤洪流東指

之勢獨白茅為尾閭宋人言水利者每言導太湖
分流東北由諸浦注之江而諸浦中白茅最大今
屢議疏浚

福山港在常熟縣北四十里自城北水門二十里
經斜橋又二十里經福山入大江亦曰福山塘

許浦在常熟縣東北七十里自縣城東北三十五
里經梅李塘又三十五里為許浦入大江宋時以
百涇七鴉白茅許浦下張為崑常間五大浦又以

梅李塘白茅浦雀浦福山浦黃泗浦為常熟五浦
屢議浚治今許浦淤塞不復為要口浦東有徐六
涇西南出梅李塘為往來通道

梅李塘自雉浦入耿涇千步涇迤邐常熟縣東入
許浦出口

李墓塘在常熟縣東其源自周涇而來至白茅塘
入江

黃泗浦在常熟縣西北八十里南通江陰縣境北

入揚子江

崔浦丁涇皆在福山港東北亦舊時通江之口今俱湮縣北五十里有崔浦橋卽入江處

入海之大浦有五

七浦一名七浦塘亦曰七鴉浦在崑山縣西北三十里常熟縣東南三十里太倉州北三十六里接三縣界水自崑山至和塘而北合常熟昆承及陽城巴城諸川澤匯流為七浦塘經太倉州西三十

里直塘市又東北十里為沙頭市又東北十里經
塗松鎮一帶入海

楊林塘在太倉州西北二十里其上流承七浦塘
及巴城湖之流東經新塘而東至州東北八十里
花浦口入海

顧涇港在嘉定縣東四十里入海

川沙港南接顧涇港東北入海

黃姚港在嘉定縣東北四十里西接新涇東北入

海

此上皆沿海沿江而洩三江之支流者也

其經絡於白茅港許浦梅李塘李墓塘者

元和塘卽常熟北來運河俗訛雲和塘南屬長洲

縣北屬常熟縣

柴涇

徐墅涇

羅墩蕩

六里塘

大和塘

官祿塘

黃莊塘

五了塘

西陳涇

漚涇

魏涇

東橫涇

徐涇塘

莫門塘

衛涇塘

南張涇

周涇

黃涇

龍涇

南桑浜

曹家浜

時涇塘

北艾涇

朱堰塘

嚴舍涇

懸涇

徐涇

楊尖涇

戈莊涇

五瞿塘

此以上諸水流梅李塘者東北入許浦流李墓

塘者東入於白茅港流福山塘者北入於揚子

江

其經絡於七浦者

茜涇

其沿湖洩水之口可指名者

鮎魚口在太湖北去吳江縣十八里流為澹臺湖
自分水墩南流逕吳縣城東南為龐山湖

胥口太湖支流東出香山胥山之間者曰胥口東
流為木瀆

白洋灣太湖支流東出吳山南曰白洋灣北流為
石湖東一溪北流橫塘曰越來溪與木瀆水合入

胥門運河曰胥江

管瀆

小溪港

瓜涇

夾浦

張家河

北車橋

漾湖溪

上瀆港

陸家浜

虎山橋

石家浜

南宮塘

蒯家涇

九曲江

後塘橋

梅梁溪

龍堂河

迎城山

菱湖港

太平橋

澤塘浜

灌瀆浜

和尚浜

長洛浜

王家漾

山涇港

渡水港

黃瀆港

後保河

其他水不可殫記皆洩太湖之水以東入三江諸浦而歸於大海者也

湖之次大者

石湖在吳縣吳江縣分界上承太湖東接澹臺湖澹臺湖在蘇州府西南十八里太湖之東其水過寶帶橋入運河分流入黃天蕩陳湖金涇滄北行經葑門環城為濠至婁門東入於婁江

龐山湖在蘇州府南二十里當澹臺湖之東太湖

之水自吳江縣之鮎魚口及長橋下東北出者皆
匯於此導流為吳淞江東南流為黎湖菱湖葉澤
湖新湖葉澤湖東為九里湖急水港又東姚城江
白蚬江小龍港杓頭潭西楔袴湖笑面湖與汾湖
接皆吳江縣界

尹山湖在蘇州府東南二十五里西北接瀆墅湖
及車坊漾之水委流入於三泖

瀆墅湖在府城東南十里南接尹山湖東入大泖

港及陳湖

唐家湖在吳江縣南三十四里西連盛墩湖及夾馬路為太湖之委流東注於運河復溢而東出播為諸蕩漾凡數十計又北潴為三白蕩西北去縣二十五里又北接白蠅江其東出則為急水港接松江之澱山湖

鶯脰湖在吳江縣南四十里其上流納爛溪荻塘諸水出平望安德橋匯流成湖南達於汾湖北接

太湖

汾湖在吳江縣東南六十里與浙江嘉善縣分界
東合諸湖蕩又東通三泖入華亭界其北連諸湖
蕩又入鶯脰湖

陳湖在蘇州府東南三十五里湖廣十八里接崑
山縣界宋志陳湖自大姚港界浦渡頭浦朱里浦
入吳淞江今渡湖而東南三十五里卽澱山湖路
出松江三泖

沙湖在蘇州府東二十里北對陽城湖湖中有至和塘岸道出崑山其南通吳淞江有湖堤

陽城湖在蘇州府東北二十里上接吳淞江東流入崑山縣界常熟縣南境之水亦流滙焉吞吐羣川波流浩瀚灌溉甚溥東為包湖傀儡諸湖皆餘流所浸溢也東北為巴城湖

巴城湖在崑山縣西北二十里其地有古巴城因名西為施澤湮出陽城湖南曰尤湮出至和塘東

曰焦溫涇達城

尚湖在常熟縣西南四里長十五里廣九里虞山峙其北東通運河西出江陰縣

昆承湖在常熟縣東南五里長三十六里廣十八里水經云廣長各十八里無錫以東長洲以北之水汜濫而出匯流於此昔時分流入白茅許浦以達於江其後諸浦漸涸湖流亦日狹土人於灘淺處占為田而分為涇港散入於太倉崑山之界從

七鴉浦劉河諸口入海

澱山湖一名薛澱湖在松江府西北七十二里與青浦崑山縣接界吳淞江水匯流處也唐宋以來澱湖深闊境內無水災宋南渡後漸至堙廢其源自長洲白蚬江經急水港而來北由趙屯浦東由大盈浦瀉於松江東南由爛路港以入三泖潮沙淤澱漸成圍田今趙屯大盈浦去湖益遠由何家港及南北曹港受湖水以洩於松江非復澱湖之

舊矣

泖湖在松江府西三十五里亦曰三泖泖有上中下三名圖經西北抵山涇水形圓者曰圓泖亦曰上泖南近泖橋水勢闊者曰大泖亦曰下泖自泖橋而上縈繞百餘里曰長泖一名谷泖亦曰中泖泖湖之水上承澱山湖凡嘉湖以東太湖以南之水多匯入焉下流合黃浦入海

此以上皆與太湖聯屬廣袤歷數百里其水則

東南出嘉定吳淞江及松江黃浦東出崑山婁江及東北出常熟白茅港而入海入江者也

涇瀆港浦與吳淞江相貫注者

白蜆江在吳江縣東南四十里西北與龐山諸湖相通又東為小龍港引流入吳淞江其西與諸湖蕩相連汾湖之水亦流匯焉

姚成江在吳江縣東北三十里亦與白蜆江相接新江在崑山縣宋嘉祐間所開西接吳淞江南入

陳湖

千墩浦在崑山縣南四十里新洋諸江之水匯流於此浦接吳淞江入海

大虞浦在崑山縣西南九里又有小虞浦在縣西南二浦皆北出新塘南通吳淞江

白鶴江在嘉定縣西南四十三里自松江府青浦縣流入境北入吳淞江

大盈浦在嘉定縣西南五十里自松江府流入境

注於吳淞江

大盧浦在嘉定縣西南南通青龍江北逕馮浦入
吳淞江亦曰渡頭

黃渡浦在嘉定縣西南四十里南通吳淞江對岸
卽大盈浦也

練祈塘在嘉定縣南東西長七十二里自縣中分
曰東西練祈今自顧浦納淞江之流東折貫於吳
塘又東過鹽鐵塘貫縣城而東抵羅店鎮稍東北

入於大海

走馬塘在嘉定縣東南二十里西通至於橫瀝東
南由灣浦入吳淞江

趙涇在嘉定縣西南二十里北通練祈南為月河
出吳淞江

趙屯浦在松江府西北七十里舊當澱山湖北直
受湖水瀉於吳淞江後水利不修浦去澱湖益遠
湖水南入漕港分支北流愈北愈隘僅通舟楫其

接曹港處又名新河浦分二支一曰南小趙屯浦
一曰北小趙屯浦俱入吳淞江

顧會浦在松江府西北二十二里其上源為通波
塘出府城北流為五里塘又北為澤祥湖別流為
崧子浦北出鳳凰橋又往北蘄山入青浦界又北
通新江塘西接青龍江東為艾祈等浦入吳淞江
崧子浦在松江府北十五里自顧會浦分流經縣
之東北五十里入吳淞江

盤龍浦在崧子浦東其上流曰盤龍塘自府東三里北流絕俞塘及上海青浦境內之六磊泗涇橫塘蒲匯諸塘而北入於吳淞江長八十里其入江處曰盤龍匯

沙岡塘在盤龍浦東南絕黃浦至捍海塘北入吳淞江

橫瀝塘在沙岡東其北絕吳淞江入嘉定縣界西上澳浦東上澳浦二浦皆南通烏泥涇北入吳

淞江西蘆浦大蘆浦亦北入吳淞江

上海浦即黃浦下流合吳淞江處

新涇塘在松江府東八十里華亭潁海塘浦之一
也亦曰新涇浦北過吳淞江其支渠甚多皆能引
水以灌田疇

沈涇塘在松江府西五里南接秀州塘北合諸涇
港之水北流為神山塘經佘山西又分流會諸涇
港之水西北入大盈浦東入顧會浦而合吳淞江

此塘所以洩西南上流之水歲旱浚之可引吳淞
江水以資灌溉

朱涇在松江府西南二十七里自秀州塘分流而
東合於三泖為淞江西出之要路

張涇在松江府南西接新運鹽河

艾祈浦在青浦縣東北二十八里南接顧會浦東
北流達於吳淞江

吳淞江南諸浦之著名者

北平浦

破江浦

養蠶浦

南澥浦

梁紇浦

石臼浦

分桑浦

內敷浦

石浦

道褐浦

蕭市浦

金竈浦

注浦

張潭浦

崇黎浦

同邱浦

諸天浦

張浦

帆歸浦

角直浦

渡頭浦

甫里浦

東齊浦

剡刀浦

界浦

浮高浦

順德浦

大姚浦

破墩浦

盞頭浦

此以上皆西受陳湖等水而入吳淞江者也

吳淞江北諸浦之著名者

安亭浦

徐公浦

北澥浦

瓦浦

三林浦

顧墓浦

金城浦

木瓜浦

下界浦

旃浦

廣浦

社城浦

馬仁浦

尤涇浦

梁里浦

華祥浦

心瀆浦

樂浦

薛莊浦

黃瀆浦

直義浦

下里浦

戴墟浦

上顧浦

青邱浦

鳳里浦

任浦

此以上皆西受陽城湖諸水橫絕至和塘而入

於吳淞江者也

婁江之西

至和塘自蘇州府城婁門東經沙湖又東入唯亭
諸水至崑山縣一南繞城為濠東行北轉一北行
而東橫行城中並入婁江

其支流相貫注者

半涇橫帶太倉州城東數里南入婁江北逕湖川
楊林屬於劉家港

吳塘在太倉州城西三里南入婁江

太倉塘引婁江水入州城大西門相傳為至和塘
稍南為陳門塘引婁江水入小西門

湖川塘在太倉東環出小塘子入婁江

徐公浦在嘉定縣西北南通顧浦北達劉河

劉家港在太倉州城南自崑山縣流入境又東南
七十里為劉河口即古婁江入海之口自此抵崇
明一百二十四里為濱海要道元人海運由此入

海水面寥廣與他港不同自劉家港而西為北漕
漕為糜長河又西為北時溝為揚子涇為小塘子
為三江口為石婆港南盤曲處為湄場灣北為新
開河為青福涇為菖蒲涇為半涇

此以上皆引諸河水而入於婁江以達海者也
其通吳淞江而達婁江者

夏駕浦在崑山縣東南二十里志云新洋江南口
即夏駕浦明夏原吉以松江自夏駕而東沙漲猝

不可去江北岸有劉家河入海乃鑿夏駕浦掣江
接浦匯於劉家河故名

新洋江在崑山縣東南六里吳淞江北南通松江
下其流漑於岡身北通至和塘即婁江

橫漑在嘉定縣治東南北袤六十里自縣治中分
有南北橫漑之名自縣西南二十七里孫基港口
受吳淞江水折而東合上槎等浦經南翔鎮又北
二十里貫城而北出抵南北十二里之婁塘又東

北折而為雙塘復少折而西北曰公塘俱入劉河
今漸微

鹽鐵塘在嘉定縣西十五里南接陸皎浦抵吳淞
江北貫線祈塘經葛隆鎮達於劉河

顧浦在嘉定縣西南五里引吳淞江水入吉涇自
吉涇塘稍東復北為下戚虞涇與南鹽鐵張涇橫
漚水東西相並俱入婁江南鹽鐵在戚虞涇之左
張涇橫漚在戚虞涇之右而鹽鐵橫漚其所通猶

甚遠

此以上皆吳淞交會於婁江而入海者也

黃浦之源委支流

秀州塘在金山縣西俗呼為官塘其源出杭州西湖歷嘉興縣而東至楓涇鎮入界去府六十里由鎮而東過白牛塘絕長泖至萬安橋北流合滕港又合黃門橋合斜塘過李塔匯石湖塘過吉陽匯合古浦塘東流入市為沈涇塘過小青河至平政

橋入郡之西水門出東門與俞塘諸水合循西城而南合張涇米市塘入官涇塘北過採花涇東北合顧會浦自萬安橋東流為朱涇自斜塘東流入橫潦涇為黃浦

斜塘在金山縣西北自大泖來與黃橋門水皆湍悍東入橫潦涇

橫潦涇在金山縣北即潦涇黃浦之首也楚黃歇所開今東江注焉西起秀州塘東入上海境又有

小橫潦涇西引秀州塘水東南入於黃浦

御史涇在松江府東門外起南俞塘北為斜塘

南俞塘自松江府東門經三里汀至呂塘廟南入

鹽鐵塘分流東南為語兒涇入黃浦華亭上海二

縣於此分界

鹽鐵塘自呂塘廟南入黃浦

北俞塘自松江府東門東流貫沙竹岡橫潦新涇

東入黃浦

蒲匯塘在上海縣西南四十里自青浦縣受盤龍
泗涇之水絕沙岡竹岡橫瀝諸水東經縣南入於
黃浦

六磊塘在上海縣西南自盤龍塘分支東北流為
烏泥涇入黃浦

烏泥涇在上海縣南三十里其西南與華亭縣分
界北為鄭家漕曹湖涇等浦並自西南入黃浦

界涇在松江府城西南接嘉善縣界北通秀州塘

東南為橫泖

橫泖其源自當湖長泖來華亭縣與平湖縣分界其交流為華家涇丁家泖丁家泖之東為惠高涇彭巷港北為處士涇又北瀝瀆塘

胥浦塘相傳伍子胥所鑿自長泖接界涇而東盡納惠高彭巷處士瀝瀆諸水東為驅塘掘槌涇二水並出橫潦涇

望湖涇在南橋北入黃浦

運鹽河自金山衛城北流經張堰鎮西為張涇過
前後岡塘高蔣涇等北至張涇橋與郡城河接凡
西南諸水皆由之以入於黃浦

牘港在上海縣東南新場鎮西入黃浦其入處乃
浦之折而北行處

都臺浦在運鹽河西因明巡撫崔恭浚故名通運
鹽河入浦

沈莊塘在上海縣西入黃浦

周浦塘在上海縣西入黃浦

三林塘在周浦塘北西入黃浦

楊溜港在三林塘北入黃浦

南澹浦在上海縣東北三十六里即永樂中導黃

浦由此入江處今故址已湮而縣東北有踰港大

澹浜南近都臺浦相傳即南澹舊流

滬瀆江在上海縣北二十里吳郡記曰松江東瀉

海曰滬海亦謂之滬瀆即黃浦

此皆黃浦之水也皆蘇松二郡治於下流者也
以上見太湖灌注之水綿亘四郡一州而入江
入海以全收其利者也其別為水利如江寧之
秦淮等則續見次卷

江南通志卷六十一

欽定四庫全書

江南通志卷六十二

河渠志

水利

江寧府

秦淮河在府治南發源黃堰壩抵句容溧水來繞
府城經流甚長城內外交資其利

婁湖在府東南吳張昭所鑿以溉田

江寧浦在府南溉田百二十頃

班瀆在府北

義溝瀆在上元縣治東二十里下流入秦淮溉田
百餘頃

絳巖湖在句容縣西南原出絳巖山縣南境諸山
溪之水悉流入焉下通秦淮上元之田賴以灌漑
吳赤烏中築赤山塘後廢唐大厯中修復之周一
百二十里立二斗門以節旱潦溉田萬頃又有百

堰堰在縣西南三十五里與斗門同置湖水由此入秦淮南唐修築不廢宋時湖禁尤嚴湖心有盤石以爲湖水疏閉之節慶厯中又立石柱刻水則於其上

石臼湖在溧水縣西南四十里高淳縣西二十里西連丹陽湖出蕪湖入江

沙湖在溧水縣南周五十餘畝爲堰以溉田

固城湖在高淳縣西南五里北通石臼丹陽二湖

與當塗宣城界舊由宜興入太湖後築五壩遂與太湖隔

藕絲堰在高淳縣北三十里自尋真觀北至石臼社鳳凰橋折入橫溝與漂水分界溝匯戴家城江夏橋諸水並出堰口內有圩埭十餘座共計田萬餘畝

洪漕壩在高淳縣西三里自襟湖門外西新橋及正義橋過永豐倉橋至壩北隨花犇岡出薛城大

葑橋

珍珠泉在江浦縣東北溉田甚廣

湯泉在江浦縣西北水流數里灌溉甚廣

琥珀泉在江浦縣東北溉田甚廣

湯溝泉在江浦縣東北溉田數十頃

墨泉在江浦縣滄波門外界六合其色黑又名黑

水泉可溉田

韋游溝在江浦縣西南烏江鎮引江水灌田五百

頃

東龍塘在江浦縣南四十里

西龍塘比東塘差小並藉以溉田

孤塘在江浦縣西三十里溉田甚廣

蘇松常三府水利已詳見太湖

鎮江府

凡丹徒丹陽金壇溧陽之水利不與太湖通者

丁鼻塘在丹徒縣西十八里北入大江明時爲民
隱占萬歷中縣令龐時雍濬之以備旱澇民稱其
便今復半爲田矣

甘露港在丹徒縣北固山下通大江宋轉般倉在
此史彌堅嘗濬之今淤又有新港在京口甘露二
港間明弘治中濬

簡瀆在丹陽縣南五里一名香草河南接延陵鎮
諸水東北達漕河

珥瀆河在丹陽縣南七里自漕渠經珥村鎮達於金壇俗稱七里河

丁義瀆在丹陽縣南三十里自白鶴溪分流溉田大溪在金壇縣西二里一名清蒲河通崑崙河東南流入長蕩湖又高湖在縣西北十里周百餘頃北受五十瀆之水南流入大溪又直溪在縣西三十五里受茅山丁角諸水東南通大溪

思湖在金壇縣南六里一名白龍蕩舊寬衍蓄水

近居民築堤擅菱藕之利稍失其用矣

梁城湖在溧陽縣西六十里俗名三塔渰周四十里

荆山塘在溧陽縣西南四十五里一名官塘有司濬之而民利焉

百丈溝在溧陽縣南五里一名百步溝源出燕山東流入白雲溪設壩儲水以資灌漑

淮安府

澗河在府城外運河東岸興文牘下分洩運河暴漲灌漑山陽鹽城二縣

石碓口牘在鹽城縣東串場河北岸蓄洩串場河水以受上游諸水

草堰口牘蓄洩鹽城縣東塘等河下注之水歸廟灣等場下海

廖家港牘洩鹽城縣東西塘河下注之水歸新興等場下海

老鸛河在府西七十里或謂之灌口隋大業中築汴堤自大梁至灌口卽此

永濟河在府南明萬厯中開以通漕今惟灌田

故城河在府東南五十里本名壽河東入射陽湖
西南連黃浦

射陽湖在府東南漑山陽鹽城寶應三邑田甚廣
洪澤屯在府東又有洪澤牕以節水

廣惠埭在府東三里舊名波湫運河水漲則自此

決泄入海以殺水勢

以上互見運河

揚州府

雷塘在府西北有二上雷塘長廣六里下雷塘長廣七里

句城塘在府西南與儀徵縣接界長廣十八里有
奇唐李襲譽引雷塘水築此塘溉田八百餘頃後
廢為田

陳公塘在府西與儀徵縣接界周迴九十餘里灌

田千餘頃亦名愛敬陂陂水散而爲三十六汊爲利甚溥

小新塘在府西北十里長廣二里餘西南接上雷塘者陳公塘上下二雷塘句城塘小新塘舊爲揚州五塘歷代用以灌漑

白塔河在府東北其水冬涸春泛民得灌漑之利新城湖在府西北民田資以灌漑

牯河在高郵州治北宋邵守毛澤民於此置斗門

蓄洩隄之南北皆爲良田

串場河在淮揚二府泰興鹽三州縣境乃淮鹽引
運通渠西受高寶諸水下歸於此灌漑甚廣自我
世宗憲皇帝特命督撫河臣勘驗故道大加開濬鹽艘農
田均享萬世之利

界河界淮揚二府鹽城興化二縣境在青龍牖之
西納高寶下注之水以濟旱潦

大石湖在江都縣東四十五里漢太守張綱引此

湖水溉東陵村農田民呼為張公渠

邵伯埭在城北二十里晉謝安築堰以灌民田民比之邵公故名

烏塔溝在江都儀徵運河北岸乃句城塘之門戶自儀徵縣烏塔溝起至江都縣句城塘口

槐家河在江都運河西岸小新塘上雷塘下雷塘之門戶

張網溝在府東漢太守張網開此溝引大石湖水

灌田以此得名

何家港儀徵運河以南何家港爲最大驪爲渠者
數十溉田千餘頃東接瓜洲

富人塘在高郵州境又有固本塘共溉田可萬頃
芒稻河洩湖水入江乃高郵之尾閘也

車路河在興化縣丁溪場之西承興化西注之水
流入串場河以灌田

南白駒廬北白駒廬二廬在興化海口俱通牛灣

河以節啟閉

平望湖在興化縣北平行周方二十里南通新溝湖
受邑中之水達鹽城界由射陽湖入海所溉田無筭
得勝湖即率頭湖在興化縣東通梓新車路兩河
車路乃達丁溪場河道自湖入車路河迤東漸高
梓新則注東南諸場河民田利賴

牛灣河即鬬龍港下溪草堰小海諸流皆會於此
河名牛灣者多為曲折以防潮患既田畝也

白水蕩寶應縣西八十五里濶三十里周二百五十里北接山陽縣西南接泗州盱眙縣界亦曰白水陂三國鄧艾所作與盱眙縣破釜塘相連門入水門立屯溉田萬二千頃

陰隲河在寶應縣汜光湖西先是邑西南由衡陽至雲山相去百餘里經汜光湖之險無支河可避風濤又西北自高家堰至牖頭橋相去十餘里田皆高阜莫供灌溉萬厯中邑令耿隨龍開此河既

引湖水通舟而溝洫之利尤溥民德之因名

茆家山塘在儀徵縣境與北山相對舊有石壩潴水可溉田五百頃

丁溪下海牖在泰州串場河宣洩要津也遠自運河各牖下注之水近係興化縣漫入車路河之水並歸串場河東達萬盈墩合小海河流匯出王家港以入海民田無旱潦之患

海陵溪在興化縣西十三里高郵邵伯水所經也

溉田甚溥

徐州府

白米堰在蕭縣東南三十里有白米泉源出縣南之白米山西北流過廟橋入雙橋湖居人堰之以溉稻田得米極白故名

新匯澤在碭山縣南郭外以河徙成澤廣數十里經冬不竭溉良田無算

汴水新渠在蕭縣宋紹興中疏鑿以洩汴水

睢水在宿遷縣之東南睢寧縣之北今曰小河口
有歸仁隄以束水併入於黃河睢利則臨睢二縣
無沮洳之患

太倉州

水利已詳見太湖

海州

石閘堰在州西南宋勸農使王贊之導其水以灌田
沐水在沐陽縣東南水經注水出琅琊東莞縣西
北大并山是也水至縣分爲五道一入漣水一入

桑墟湖三入太湖太湖卽碩項湖蕭梁時土人張
高等於縣北鑿河引水溉田二百餘頃俗呼紅花
水又宋沈括爲沐陽簿疏沐水爲百渠九堰得上
田七千頃

通州

岸河在石港溉田數千畝因判官包檉芳修治呼
爲包公隄

過船港在泰興縣西四十五里明成化中自印莊

港至廟港築江堰嘉靖中又自廟港至過船港增
築江堰以衛田大爲民利

范公隄在州東北隄外皆煎鹽之地淡水出則鹽
課消故隄以護之隄內皆耕種之地鹹水入則田

租損故隄以防之

附

明沈明臣通州水利議

藝稿之鄉

恒視水盈涸爲豐歉故水利在所必講正德間倡
言建牖至嘉靖十九年同知李應雲造三牖在鹽
倉者外無受水之地旁無捍水之隄每啟則水漫
平田大傷禾稼在蘆園者亦爲不固一啟則兩岸
沙崩如山田幾圯沒蓋土輕沙浮不堪爲牖而經
生游談無用所謂利不償害也白蒲亦不宜便修

復宣家雖曰可牘又恐不勝其費惟唐家稍堪修理以洩西成之水然不濬運河深則西成之水亦不能越河而下故曰深濬運河使各鄉支河溝洫與之相平非惟濬年之水可洩而旱年之潮亦可引矣前人有見於此惟以開濬爲言故不牘而壩今觀城西之壩五鹽倉壩灰港壩龍潭壩司家壩宣家壩城南之壩三灰堆壩湯家壩陸洪壩城東之壩十二潘竈港壩水塔口壩倉壩韓家壩李竈港壩大厓港壩蔡竈壩破河塘四莊口西瞿竈港壩爛泥壩李竈港壩中幹壩沙港口壩大抵通地憂旱不憂澇雖壩無傷况壩各有涵洞以通水之出入乎若海水雖不堪灌漑而魚鹽之利咸藉焉所苦善濬時爲民害所賴范公任公二隄以捍之惜歲久圯壞近年呂四餘東石港被潮溺者以萬計嘉靖壬子增修隄岸多創墩臺誠得主者以時修治庶工省而利大也

安慶府

吳塘陂在潛山縣西二十里瀉水所注也亦曰吳陂堰三國魏揚州刺史劉馥開吳陂以溉稻田又吳呂蒙鑿石通水灌稻田三百頃亦卽此陂

樅陽河在桐城縣東南百二十里其源自懷寧縣流入縣南百三十里又東流繞樅陽故縣諸川流入溉田甚廣

桐溪在桐城縣東繞城而南引流入城曰桐渠溉

民田百餘頃

國朝順治康熙間兩次重濬以溪爲民利也

翟公隄在太湖縣西南元末縣尹翟居仁所築民至今賴其利

漳湖在望江縣東北六十里四面受水最爲田患近有洲生湖中曰漳腹洲蘆課歲增亦不妨魚課

徽州府

豐樂水在府西三里源出黃山溢於昌竭呂竭二

場各溉田二百頃又大小毋場之水亦溉田百餘
頃又綿溪水在府東南五十里下流入新安江亦
有灌溉之利又布射水溉田六十頃

白鶴溪在休寧縣西二里出黟縣橫江吉陽之水
東流入縣境至鳳山下有夾溪水東南流合焉曰
雙溪口夾溪亦曰夾源其水溉田十餘頃

五城水在休寧縣南四十五里與顏公山水合匯
于龍灣溪口溉田四十餘頃又原坑水出縣西溉

田三十餘頃又南當水出縣西南當山亦溉田三十餘頃餘皆東流會於浙溪

益陽水在婺源縣北出浙源山溉田三十五頃

武溪水亦出浙源山東南流經龍尾山溉田十三

頃有奇

大鰭水在婺源縣東出大鰭山溉田六十餘頃

小歛水在婺源縣出小歛山溉田十八頃

梅源水在婺源縣西出梅源山溉田八十頃有奇

杭溪水在婺源縣出縣西北七里石龍山溉田三十八頃

赤溪水在祁門縣東溉田四十二頃又縣西小北港溉田五十頃大北港溉田十七頃又縣東南盧溪水溉田八十餘頃

吉陽水在黟縣東北溉田四十四頃

羅公泉績溪縣南二十五里水自地湧出騰上數尺源甚深長大旱不竭溉田數百頃又泉塘縣西

二十里塘中有泉蓄溢深廣可引以溉田縣西五十里有龍井泉從石中出亦溉田百餘頃

寧國府

青弋江在府西六十里西南境之水咸匯入焉江西岸爲南陵境有渡昔人多引流爲陂堰以資灌溉

玉粒塘在府東可溉田數百畝

德政陂在府東十里溉田二百餘頃又薛公堰在

府北一百十里

永豐陂在南陵縣東南六十里引青弋江爲陂以
溉田

大農陂在南陵縣南唐時范君朝置石堰開荒埭
數萬畝

東溪石堰今之壩上也在南陵縣因河流易涸衆
議建堰蓄水

雙龍井泉在南陵自濟頭山流入深無底灌田數

十里

方家冲在南陵縣有小溪過大路童家橋入新港
又娘塘冲有泉溉田二百餘畝

徽水在旌德縣北源出績溪徽嶺之北西北流有
清潭水出縣南境清潭山溉田十餘頃流數里入

徽水

泉水蕩在涇縣附郭其竅以數千計溉田十有餘

頃

承流壩在涇縣卽新豐壩溉田二千畝

池州府

查村堰在池州府西南百五十餘里受諸山溪之水引流溉田百餘頃

黃荊堰在貴池縣西南八十里受諸泉澗水以溉田

華湖堰在青陽縣治南通臨城河水灌西郭田民被其利

天井湖在銅陵縣東門湖心有井不竭遠近諸川
多匯於此又縣東葉山有靈寶泉溉田百頃水旱
如一

聖泉在青陽縣西南四十里魁山下冬夏不竭民
田俱賴以灌溉

六泉在青陽縣五溪山之南由石罅中湧出愈旱
則愈溢民田賴之

龍巖泉在石埭縣西四十里又曰西溪大旱不竭

賴以灌溉

蕭侯陂在石埭縣北有二溝渚水溉田甚溥

羅坦陂在貴池縣開元鄉灌田二百餘畝

古遊陂在貴池縣境灌田四百餘畝

石堰在青陽縣茅田上水泉灌溉之利居民賴焉

高田堰在貴池縣西南受黃山三十六源水溉田

三百頃

蒲塘在東流縣東北五十里源出石人山溉田二

百餘頃

太平府

丹陽湖在府東南七十里江寧廣德徽寧境內之水匯為三湖而丹陽最大東西七十五里南北九十里太平水利之宗也

姑孰溪在府南二里自丹陽引流而北合支流諸水匯為姑孰溪又西過鼃浦經城南謂之南州津溉田數百頃

泉水塘在繁昌縣北一里周僅三畝溉田百頃
新壩在府東南廣安坊宋紹定中開渠引姑溪水
入城濠後塞明萬厯間重開引水經襄城橋出梅
莊牆至今利之

廬州府

七門堰舒城縣西南七門山下三堰之源在馬三
堰者一曰烏羊堰在縣南十五里一曰千功堰在
縣南二十里一曰漕牘堰在縣南舒門外與七門

堰共溉田二萬餘頃俱漢頡羹侯所築後漢末劉
馥經理之為灌溉之利今古蹟並存

洋渚陂在舒城縣楊林舖民多賴其利

新壩在無為州南舊時江流東注至鱗魚口地勢
最下明代至

國朝順治中州守屢築隄曰一壩二壩三壩四壩而屢
圯計州境民田漸次陸沉於江者四十餘里康熙
八年知州顏堯揆築新壩八百八十丈後大水破

諸壩而境內圩田以新壩得免

神塘堤在無為州南四十里明萬曆九年築內民
田悉成膏腴

清水堰在無為州東津門外灌田百頃

黃金城陂在無為州北十五里環流大小圩八十
所舊以木為之明正統元年始甃以石由是旱澇
無患今名李家陂

西官塘在廬江縣境溉田百餘頃縣境之塘凡六

十有二俱為灌漑之利

鳳陽府

千人塘在臨淮縣南唐時修以溉田

木檠泉在懷遠縣南自洛河山北麓流入灌浸塘

分注郭陂塘民獲灌漑之利

漢泉在定遠縣西五十里又有楚泉合流入洛土

人堰之以溉田

芍陂在壽州安豐城南亦曰安豐塘以水逕芍亭

積而為湖故謂之芍陂又謂之期思陂與楊泉陂
大業陂並楚相孫叔敖所作其水西自六安龍穴
山東自濠州橫石東南自龍池山胥注於陂陂原
設五門後更開三十六門今又作減水牐四座水
漲則開門以疏之水消則閉門以蓄之三百餘里
支流分注溉田萬餘頃

大滌陂在壽州下蔡城西北百二十里玉海載下
蔡西北六十里有黃陂八十里有雞陂東北八十

里有渭陂皆隋末廢唐復置溉田數百頃

牌湖隄在宿州東北五十里灌田五百餘頃

龍浣潭在宿州騫山下灌田數十頃

潁州府

陶中湖在府治西一百十五里周十里潤溉田畝
居民咸賴之

界溝小河在府治西北界溝之南明成化中同知
劉節開渠洩水以灌田

清陂塘在府治南百二十里引淮水灌田為利甚溥

椒陂塘在府治南三十五里唐永徽中刺史劉寶積所開引潤水灌田二百餘頃今有椒塘鎮又土陂屯栗林諸水以溉黃花陂西之水又溫家堰土人所築以蓄土陂下流之水溉黃邱店田又盆陂障谷河之水以溉河北田又雙陂亦障谷河水以溉黃邱村南之田

大業陂在霍邱縣東北十五里隋大業中修以溉
田

五道溝在太和縣西南十里明邑令劉玠疏沙河
支流以溉民田

滁州

菱溪塘在州東七里相近為官塘各灌田數頃
五湖塘在州東十里相連靳湖塘各灌田甚廣
秦皇塘在州東二十二里周三里灌田數百頃

平湖堰柳子堰二堰俱在州南各灌田千餘畝

山河發源於鳳陽諸山可以直抵浦口因孟子嘴
阻塞水由六合轉葫蘆套出瓜埠數百里而後入
江水口細微疏洩不易滁浦沿河田畝資其灌漑
往時曾題請疏鑿

高塘在全椒縣西三十里漑田甚廣

蔡湖在全椒縣南十五里居民多引流以漑田

泰山塘在來安縣東灌田八十餘頃

大石圪塘張勝塘二塘俱在來安縣各灌田四十

餘頃

王家堰在來安縣南又有雍塘陳塘月塘露珠塘
各灌田數十頃

和州

韋游溝在州東北唐開元中縣丞韋丑引江水十
五里溉田五百頃貞元中游童彥復治之民享其
利故以二姓名其溝

千秋澗在州西北宋淳熙中州守置斗門以防麻湖澧湖之水洩入大江歲旱藉以灌溉

馬堰塘周四里灌田八頃

牛塘周三里灌田五頃

大烏塘在州北十里周五里灌田二十頃又小烏塘周五里灌田十頃

彪塘周三里灌田十頃

章莊塘周三里灌田二十頃

簸箕塘在州東南三十餘里周三里灌田十頃相近有石莊塘周四里灌田二十頃雙山塘周三里灌田十頃

廣洋塘在州西四十里周五里灌田二十頃

南新塘在州西北五十里周四里灌田二十頃

環峰塘在含山縣東周十里灌田一百頃相近有

新興塘周二里灌田四十頃

崇義塘在含山縣東南周一里灌田五頃相近有

太湖塘周三里灌田八頃溪陽塘周二里灌田八頃

銅城堰在州南六十里吳赤烏中於銅城築堰以捍水患代有修築田盡膏腴其水可溉三千頃

石溪塘周一里灌田九頃

廣德州

鯉洪溪在州東十里灌田二萬餘畝

陳河陂在州北三十里又有釋山陂各灌田五百

餘畝

管塘在州治北三里許廣七里灌田二千餘頃

白馬塘在州北二十里廣九里灌田二千餘畝

夏家塘在州東十里廣十里灌田千餘畝相近有

馬家塘廣八里灌田千五百畝

狐狸塘在州東三十里廣三里灌田七百餘畝又

有鴉鵲塘廣十里胖竹塘廣九里各灌田千餘畝

古塘在州西二十里廣二里灌田千二百餘畝

桐汭鄉塘在建平縣境塘共一百六十一港一陂
一堰四灌田七萬一千一百七十七畝

昭德鄉塘共六百五十二所灌田五萬八千九百
九十七畝

臨湖鄉塘共四百三十九所灌田七萬五千六百
有奇

妙泉鄉塘共二百五十八所灌田五萬六千八百
有奇

原通鄉塘共五百九十所灌田七萬四千二百餘畝

浮湖塘在建平縣東五里灌田一萬二千四百一十五畝又縣東有五丈塘廣一十五里灌田一千五百畝青陂塘廣三十里灌田三千六百五十畝俞塘灌田一千二百餘畝周公塘長二十里闊八丈溉田四千二百餘畝

烏紗塘在建平縣北十里溉田一千一百三十七

畝

信武塘在建平縣北十里溉田一百五十畝

上宋塘在建平縣東北十里溉田一千三百三十畝相連下宋塘溉田一千三百二十五畝又柘林塘溉田四千七百五十七畝

蘇大溪在建平縣西南二十五里溉田數百頃

六安州

南境諸水

石塘

小官塘

南五里塘

狗兒塘

查陵陂塘

青草大塘

下官塘

上官塘

官塘

民塘

九公塘

八字塘

金陂塘

沙井塘

八角塘

三角塘

官蓮塘

官堰

黃家堰

天河堰

劉陳堰

下白湖

龜頭湖

採白湖

楊泥港

青草陂塘

竹絲塘

共溉田數百頃

東境諸水

張塘

尺塘

下官塘

官塘

古塘

馬沙塘

金盃塘

新塘

長厚二塘

三斗塘

潑皮塘

曹陂塘

官塘

孫成塘

千工堰

下千工塘

蔣家堰

朱家湖

共溉田數十餘頃

西境諸水

楮皮塘

黃泥塘

蛇皮塘

官塘

小官塘

關草湖塘

龍塘

沙塘

大塘

長塘

石嘴塘

長塘

白銷塘

灌塘

新塘

雙塔兒塘

張公塘

官塘

銅壺塘

平塘堰

車家堰

新堰

涼水堰

吳家軍堰

青草湖

駝湖

冷水澗

獨龍澗

共溉田數百頃

北境諸水

塔兒塘

勝塘

五里塘

十五里塘

馬思陂塘

熟陂塘

洪陂塘

桑家塘

豬灰塘

麻漲塘

白湖塘

草湖塘

黃土塘

石榴塘

常家塘

竹稍塘

旱塘

豬灰隔東陂塘

官壩堰

毛家堰

吳家堰

石家堰

十工堰

石工堰

龍門堰

趙家堰

青水湖

馬家湖

柴枝湖

共溉田千頃

右四境塘百餘所積久塘淤利廢知州盧見會
力請疏濬悉復侵占灌漑以饒舊有塘稻私征
因並除之

泗州

蒲陽陂在泗水西北東漢時張禹為下邳相徐縣
北界有陂旁良田湮廢莫修禹為開三門通引灌
溉遂成熟田數百頃後歲至壑十餘頃民用饒給
東觀記陂水廣二十里經百里在道西其下有田

可萬頃

洪澤浦在盱眙縣北三十里舊名破釜塘鄧艾立
白水蕩與破釜相連開水門八以溉田其後煬帝
幸江都道經此久旱遇雨因改名洪澤浦

萬安塘在天長縣東南二十五里邑中有十二塘
皆明初所開以溉民田

江南通志卷六十二